

Waldneukirchner - Rud

Rudenkirtag Sierning Faschingdienstag 21.2.2023



<p>Vor 50 Jahr war's da Fall da tanzn wir s'erste Mal als junge Hupfa da am Kirta des woäß eh nu fast a jeder wie d'Rolling Stones mach'mas dann kündign jeds Jahr den Abschied an doch heuer sing'ma no in Sierning zwi- schen Knie- und Hüftn-operiern</p>	<p>2 Jahr Corona, dös war schlimm es gibt a Impfung – geht's doch hin manche liaba demonstriern des hilft a ned gegen die Vier'n da sagt da blaue Herbert Kickl es hilft nur a Entwurmungsmittel da hat doch glatt der Surm Corona verwechselt mit an Wurm</p>
<p>Vierzig Jahre Volkstanzgruppe feiert die Schwaminger Truppe mit an letzten großen Fest in Garsten drent is des gwest koa Microphon geht mehr weil da Akku is leer Da Roller Bert hats grad no gschafft is ja nimmer so im Saft</p>	<p>Unsa Klima - liabe Leit kummt ins Schwitzen, aber gscheit wärmer wird es jedes Jahr ma muaß handeln - sonnenklar doch Aktivistn mit an Ticker tan sich auf die Straßn picka Unser Tipp: machts euch koan Kummer Lasst sie's picka übern Sommer</p>
<p>Da Moitara Boid is interessiert was sich tuat und was passiert, fährt mitm Radl große Runden is unterwegs viele Stunden, er kennt jeds Haus und a vü Leut' über ois woäß er Bescheid kann sein, wenn oana sovü schaut, dass' den amoi auf d'Pappn haut</p>	<p>De Sierninger FPÖ hat a Problem - oje Koa Wirt nimmt's scho glei und dös als Heimatpartei da Schaupp Gabi tuat fluacha und geht Herbergsuacha oana nimmts – auf jeden Fall da Hack-Wirt in sein'm Stall</p>
<p>In Adlwang koa Amtsleiter bleibt jeder hört auf nach kurzer Zeit wegn da Burgermoastarin kanns net sein – gibt koan Sinn Is' wengan altn Karl Mayr der tuat als Vize no weita auf da Gmoa sei' Unwesn treibt und dadurch die Leut' vertreibt</p>	<p>In Niederbrunnen hams z'Letzt an Mordstrum Maibam aufgesetzt außerdem – modern sans a beleuchtn's den Bam mit Solar und jetzt wird's zum blamiern der Bam is höher wie in Sierng, jedenfalls behaupten's stramm dass sie den Allergrößten ham</p>
<p>Bei da letzten Gemeinde-Wahl, da war Folgendes der Fall: da Kerbl bringt Honig, an siassn Irene Moser muaß dös biassn. Ihr Kräutersalz is net so gscheit kimmt net guat an bei de Leut sauer – dös is längst vorbei liaba Honig um s'Mäul.</p>	<p>Die Bundespräsidentenwahl: Vü Kandidaten – vü Qual Manche Typen – ma kanns net fassn Wolln gleich d'Regierung entlassn Ob Doktor, Anwalt, Unternehmer koana is in d'Stichwahl kemma A die Blaun schau'n ganz verduzt Da hat da Rosenkranz a nix g'nutzt</p>

Da Ackerl Sepp von Bad Hall
is a b'sonderer Fall
50ig Jahr weibert der Bücha,
es is koa Frau vor eahm sicher
doch die Letzte hats überrissn
und eahm hochkant' aussigschmissn
jetzt muaß da Sepp, der arme Wurm
unterschliafa bei sein'm Buam

Die RAIKA hat unverdrossn
kaum geöffnet – vü mehr gschlossn.
So geht dös in Zukunft nimmer
ma muaß daher was unternehma;
Mir san ja a net komplett blank
gründn a Ruden-Faschingsbank,
ham scho an Nam' – da war ma flott
unsare hoaßt: BANK - ROTT